

故宮
珍
藏
本
刊

賜
號
太
和
先
生
全
集

等三種



故宮博物院編

海南出版社

故宮珍本叢刊第 530 冊明代詩文別集

故宮博物院編

賜號太和先生全集

懶仙竹林漫錄

張宮諭酌春堂集

海南出版社

圖書在版編目(CIP)數據

大明太宗皇帝御製集/(明)成祖撰. —影印本. —海口:海南出版社, 2000. 10
(故宮珍本叢刊)

本書與“重刻徐幼文北郭集/(明)徐賁撰”等 29 種書合訂

ISBN 7-80645-747-X

I. 大… II. 成… III. 文學-作品綜合集-中國-明代 IV. Z121.7

中國版本圖書館 CIP 數據核字(1999)第 68755 號

故宮珍本叢刊第 530 冊

明代詩文別集

賜號太和先生全集 懶仙竹林漫錄 張宮諭酌春堂集

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:30.25 印數:1-400 冊

ISBN 7-80645-747-X/Z·25

定價:2670 元(明代詩文別集 30 種共 16 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

賜號太和先生全集序

粵自炎帝臨寓赤松示翀舉
之術軒皇御極廣成闡玄虛
之旨迨夫彭籙養素脩齡躋
於七百李聃扶蘊微言衍於
五千是皆握天地之元機翊
皇王之景運莫可尚已然而

賜號太和先生全集

卷之一

時移聖遠俗士猶或致疑焉

後有作者叛道真遂時好無

恠乎事債而名辱為世非笑

惟宋太宗時陳希夷野服覲

主元世祖時丘長春潔己裕

國斯近世之章章者洪惟我

太祖高皇帝開天受命周顛仙告

太平有道之符

成祖文皇帝奉天凝命張三丰著

神化無方之迹載諸

聖製傳諸故老不可泯焉我

皇上膺

天曆作民

主上承

賜號太和先生全集

卷之一

宗祧下撫華夷廓

神明之大德培

胤祚之丕基太和先生邵公應

運而生乘會而起寔天作之非

人力也公江右之安仁人諱

元節字仲康太和子

上所賜號也少孤榮初師事仙源

范文泰復受業黃太初既冥
心殫精盡通老子法而以隙
暇餘力泛覽儒家書交映互
發迺遽於學幾於道矣又其
資性明達氣質溫粹葆真礪
行立節起譽積孚鄉邦騰徹
朝著累蒙

賜號太和先生全集

卷之一

三

召對賜問敷奏稱

旨歲時

禱祠祈禳立著靈效由是

上益優禮之嘉靖十年冬

命率屬建大醮於

欽安內殿蓋為

國本計也公依教藏事惟恭惟

嚴時有綺雲覆壇群鶴旋空
之徵越二稔降生
皇儲不數年連誕

諸皇子

上錄其勛勞累封為闡教輔國清
微妙濟守靜脩真凝玄衍範
志默秉誠致一真人領道教

賜號太和先生全集

卷之一

四

事兼

朝天顯靈靈濟三宮住持掌行

醮事仍

命秩禮部尚書累加正一品服色

俸給十八年春

上念

山陵事重

駕幸興都公以耄不克

扈從為恨日夕躬虔焚脩冀集

天貺佑

聖躬憂勤特甚遂以三月十有四

日奄化長逝

上聞之痛悼不已

勅贈少師禮部尚書謚文康榮靖

賜號太和先生全集

卷之一

五

賜諭祭十壇仍遣貴近督有司

營大葬焉於戲如公真可謂

生死榮哀始終無虧者矣若

其蒙

蕃錫被

殊寵推

恩前脩垂裕後人古今無聞焉公

沒後其徒太常寺少卿邵啓

南清微演教高士陳善道輯

公平生遭際事蹟若

誥命勅諭章疏詩歌圖贊名公

所撰神道碑誌及內外大小

官僚祭文類分四卷將鈐梓

藏諸山中永存

賜號太和先生全集

卷之一

六

昭代盛典裝潢成帙進

呈

御覽

上特錫嘉名曰賜號太和先生全

集并

題四字以識簡帙次第曰道德

忠誠寓

褒異也間

賜示臣鼎臣披閱既卒業乃歛容

而嘆曰於戲帝堯之知人成
湯之立賢吾

皇其兼而有之矣鼎臣往時嘗一

接公論議雅重公志行每思

效末技揚盛節而未能茲敢

賜號太和先生全集

卷之一

七

忘其朽劣粗述梗槩末復為

之論著曰道家者流大抵詳

於自為而果於忘世由赤松

廣成而下逮周張二仙雖或

明大道振玄風足以驚動一

時耳目揆其功施

社稷德被生民如公者寡矣盖公

之事

主祈

天本之以道德而持之以靖共存

之以忠誠而發之以正直一

云為一動靜之頃此心常如

對越

上帝而無虞貳焉是以道格幽明

賜號太和先生全集

卷之一

八

化洽貴賤迹公所自立磊落

軒豁光明卓犖真足以超俗

儒凡猥之習受

聖主特達之知而無忝焉又奚必

章甫縫掖發身庠校蜚英甲

科然後為士哉鴻名備福上

壽考終匪

天私公匪

主上私公蓋理所必至焉於戲凡
百士人諦觀是集賢者可以
感而興不賢者可以省而愧
矣是為序

嘉靖十八年仲秋吉日

賜進士及第光祿大夫柱國少

賜號太和先生全集

卷之一

九

保兼太子太傅禮部尚書

武英殿大學士知

制誥同知

經筵事

國史總裁官東吳顧鼎臣撰

賜號太和先生全集序

賜號太和先生全集目錄

卷一

誥命

勅諭

卷二

奏疏

卷三

詩歌圖贊

卷四

賜號太和先生全集

目錄

神道碑

墓誌銘

行狀

諭祭文

各監太監祭文

文武官祭文

高士道官祭文

親友祭文

賜號太和先生全集卷之一

誥勅

奉

天承運

皇帝制曰朕惟道教之設自昔已然能充其清
靜淵默之功亦可助雍熙泰和之化爾上
清宮道士邵元節早精玄義久寄名山探
隱蹟於幽明究幾微於典籍瞻依台斗恒
護國庇民是圖祈禱雨暘惟集福禳災為

賜號太和先生全集

卷之一

十

務式彰優眷爰錫殊稱今特封為清微妙
濟守靜修真疑玄衍範志默秉誠致一真
人兼管朝天顯靈靈濟三官總領道教掌
行醮事錫之誥命於乎道非常道當益驗
於身心榮豈徒榮在有光乎儀範尚廣濟
人之念益輸報國之誠

制誥

嘉靖五年二月初一日

之寶

特諭清微妙濟致一真人賜號太和子邵元節

今令爾移居

吳極尊明殿東原房一所住坐以為爾府可朝
夕祈祝

景貺福朕斯民益格清靜表衆徒茂衍玄風永
承眷命庶副朕崇尚之心慎之欽哉故諭

廣運

嘉靖五年二月十二日

之寶

賜號太和先生全集

卷之一

十一

特諭致一真人邵元節朕惟

玄元大教以制邪顯正福世安人為本在得於
至志高奇之士亦助我王化爾性風道質心
秉端慤大彰玄範修持早悟超羣秘旨朕賴
慕之已多用報揚於來士特賜秘信承之

一頒給

銀致一真人印

用於一應文書奏帖

銀上清印

牙上清印

木靖壇印

三顆法用

賜號印

致一印

仙源印

三顆牙俱自用池匣繚牌全

廣運

嘉靖十五年二月十七日

賜號太和先生全集

卷之一

十一

之寶

特諭致一真人朕素崇

玄教夙沐真風及念國之所謝大醮為重故授

以職留居京館謂何以真人乃時之道門高

士端一誠慤凡有禱祈無不應感非但遂朕

之願而有益于國也今乃久寓在京思欲回

還朕不違請雖給賜勅旨准展視焚修一次

事畢即來供職今用定與限不可有負朕禮

神敬

天至意勿得延遲原給與朝天顯靈二宮關防

之記二顆今且命演範妙應陳李二真人暫

代收管回京交付真人仍舊收掌故諭

限嘉靖六年十二月初一日見

朝

廣運

嘉靖六年二月二十七日

之寶

勅清微妙濟守靜修真凝玄衍範志默秉誠

賜號太和先生全集

卷之一

十一

致一真人邵元節爾少習玄元之教藏真

龍虎之山前者叅隨大真人張彥頤來京

朕以爾戒行清修明習科典授以崇職錫

之佳號令其兼管朝天等官總領道眾近

來乃懇切乞歸朕不准其辭又重違爾志

特允馳驛暫回龍虎山展視焚修仍令左

至靈魏時雍隨同前去事畢上緊前來供

職爾其體朕至意在途慎之慎之故勅

廣

運

嘉靖六年二月二十九日

之寶

聖旨着太監黃錦說與朝天顯靈二宮知道近
來有等不守教門規範不畏朝廷法度欺凌
真人毀罵師長好生無理有玷玄門除已往
姑不重究外今後凡有這等的爾會同管三
宮事致一真人即便處治如或重大奏來治
罪

御府

賜號太和先生全集

八卷之一

十四

嘉靖七年閏十月初四日

圖書

手勅慰諭致一真人邵元節朕以今冬少雪因
勅爾就顯靈宮祈禱十一月十六日始至十
八日止獲大雪即降是皆爾道妙淵長德行
兼備乃致如斯也茲十二月之十二日朕以
前雪似少復命爾于靈濟二真處再禱爾以
未獲即降欲奏請朕以示罪責夫爾於前奉
命請雪已昭應矣今所

神不施應者必有由焉斯非爾之咎本朕過也

此朕之過有二冬雪愆期失東作之望一也

已祈又祈豈不瀆

神故不降也皆非爾之所致爾其安心供職而

朕亦勉修德政可也勿為奏辭重我之過爾

其欽承

欽文

嘉靖七年十二月十三日

之寶

賜號太和先生全集

八卷之一

十五

奉

天承運

皇帝制曰朕惟道教之設自昔已然能充其清
靜淵默之功亦可助雍熙泰和之化爾清
微妙濟守靜修真凝玄衍範志默秉誠致
一真人兼管朝天顯靈靈濟三宮總領道
衆掌行醮事邵元節早精玄義久寄名山
探隱蹟於幽明究幾微於典籍瞻依台斗
恒護國庇民是圖所禱雨暘惟集福禳災

為務式彰優眷爰錫殊稱今特加爾領道
教事兼三宮住持錫之誥命於乎道在而
仁弘當益勤於修驗徒榮而具在須有光
此殊恩尚丕爾報國之誠用贊我濟人之
意顧不美歟爾惟欽承

制誥

嘉靖八年十二月初四日

之寶

奉

賜號太和先生全集

卷之一

十六

天承運

皇帝勅曰朕惟為人子者孰不欲顯揚其親故
朝廷加寵於臣必體其心又何常格之可
拘哉爾邵守義乃真人邵元節之父善裕
厥躬慶延詰嗣托名玄籍克振宗風推厥
本源宜加渥典今特贈爾為太常寺寺丞
靈其不昧尚克承之

勅曰母有鞠育之勞與父弗殊君有褒錫之
恩惟臣是勸爾宋氏乃真人邵元節之母

克相厥夫兼隆母範篤生令子名冠羽流
爰舉綸章以示殊寵茲特贈爾為安人歆
此隆恩昭于永世

初命

嘉靖九年四月十五日

之寶

奉

天承運

賜號太和先生全集

卷之一

十七

皇帝制曰朕惟道教之設其來尚矣然清靜無
為之功亦足以裨國家熙皞之化故其徒
有能修明其教者朝廷必表異之爾已故
范文泰乃領道教事致一真人邵元節之
師存心冲澹賦性端醇早寄黃流精通內
典教傳弟子為國祝釐丕振宗風闡揚玄
範儀刑未泯爰錫褒嘉茲特贈為清微崇
玄守道凝神湛默履素養和衍法輔教真
人錫之誥命於戲重道崇玄垂茂恩於不
朽榮名美號昭優渥於無窮靈爽如存尚

其歆服

制 誥

嘉靖九年九月初一日

之 寶

聖旨慰諭致一真人

適間請安

青詞卿上香稍有差失即具奏請罪夫卿年七旬有餘茲時惟嚴寒久在候立况羽服在躬偶致乃耳何乃介意之如是邪宜安心澄神

賜號太和先生全集

卷之一

七

為朕通叩

玄穹以祈嗣兆可也故諭

御 書

嘉靖十年十二月初一日

之 寶

皇帝勅諭官員軍民諸色人等

朕惟

玄元之教其體清靜無為其用神妙莫測上以陰翊皇度下以福庇幽顯歷代建宮

觀以崇祀之咸有明徵江西龍虎山有觀

名仙源者乃今封領道教事清微妙濟守

靜修真凝玄衍範志默秉誠致一真人邵

元節原焚修為國祝釐為民祈福之所茲

特改名曰勅建仙源宮命官修蓋頒勅護

持并給度牒五十道仍令致一真人管理

督委道士居住焚修用迎神呪繼今以後

凡一應有司官員軍民諸色人等不許侵

凌褻慢生事擾害敢有不遵朕命者着奏

賜號太和先生全集

卷之一

九

聞治之以法欽哉故諭

勅 命

嘉靖十一年三月十五日

之 寶

皇帝勅諭官員軍民人等

朕惟道教之設其來尚矣蓋其清靜玄默之功亦可裨國家無為之化有能修明其教法者朝廷必寵異之而不吝焉清微妙濟守靜修真凝玄衍範志默秉誠致一真

賜號太和先生全集

卷之一

二十

人掌道教事兼朝天顯靈濟三宮住持
邵元節修持謹愍造詣精微恒存護國庇
民之心克盡祈福祝釐之敬朕心嘉悅特
隆恩禮嘗以阜城門外八里庄谷大用入
官庄田一區內有房屋園圃寺宮各一所
共地三十頃賜元節為本宮香火之資茲
復奏稱欲將永恩寺并園圃等項房屋拆
毀還官另賜官額護勅以昭鼎新之典特
允所請賜額曰玄福官陞道錄司右演法

陳善道為右正一兼住本宮領眾焚修其
地內一應糧草差徭等項盡行蠲免仍降
勅禁約自今以後凡勢要之家及官員軍
民閑雜人等如有不遵勅旨欺凌侵占作
踐者必罪不宥故諭

勅

命

嘉靖十二年五月二十一日

之

寶

奉

天承運

皇帝制曰朕惟福國庇民允賴

玄元之教延禧永嘏聿多禳祝之功况講
演真詮導迎景貺匪修持而有感罔祗諷
以無愆爾領道教事清微妙濟守靜修真
凝玄衍範志默秉誠致一真人兼管朝天
顯靈靈濟三宮住持總領道眾掌行醮事
邵元節含真養性抱朴懷真早探玄經閱
牒之微深契赤書紫文之奧小心翼翼誠
每切於祝釐雅操兢兢忠惟存夫報國屢
臻明驗宜錫殊榮今特加爾掌道教事仍
兼三宮住持歲給米一百石季撥校尉四
十名錫之誥命於戲道不虛行功莫大乎
濟物德修罔覺力寔要於澡心爾其益篤
虔忱闡明教範懋贊雍熙之化丕揚敷錫
之休欽哉

制

誥

嘉靖十二年正月二十八日

之寶

勅掌道教事清微妙濟守靜修真凝玄衍範
志默秉誠致一真人邵元節朕以卿累有
懇切乞歸茲特俞允着馳驛回山展視焚
修仍令卿法孫時雍隨去帶校尉十名應
用事畢上緊前來供職經過地方照例應
付不許欺慢毀辱如違必罪不宥故勅

廣運

嘉靖十三年八月十五日

賜號太和先生全集

八卷之一

三

之寶

勅太常寺寺丞邵啓南

勅建仙源宮今已落成茲者造完聖像供
器特命爾護送前去奉安爾須用心照管
虔誠供奉以稱朕事

神至意往來經過地方軍衛有司驛遞等衙門
一體應付不許欺慢留難故勅

廣運

嘉靖十三年五月二十一日

之寶

奉

天承運

皇帝制曰玄道無為默助雍熙之化真儀有則
恒昭感格之祥眷乃忠誠修持允懋寵恩
所貢禮數宜隆咨爾掌道教事清微妙濟
守靜修真凝玄衍範志默秉誠致一真人
兼管朝天顯靈靈濟三宮住持總領道衆
掌行醮事邵元節稟至性之純良蹈玄規
之高潔早遊方外久視域中順真於龍蟠
虎踞之山聞道於鶴馭鸞驂之侶闡揚金
籙儼

賜號太和先生全集

八卷之一

三

上帝之有臨顯貢鴻休兆前星之允協禳灾迪
吉護國庇民有感斯通無祈不應蓋爾秉
心忠恪總教清嚴舉法事以精修為道流
之表率克供厥職丕著勤勞載錫新恩用
昭殊眷茲特加爾為清微闡教輔國妙濟
守靜修真凝玄衍範志默秉誠致一真人

掌道教事兼三宮住持仍賜爾二品服色

并俸及造給朝祭冠服玉帶以為爾榮爾

其仰體朕懷益堅素志丕致祝釐之効式

弘闡道之功茂對昌辰永膺殊渥欽哉

廣 運

嘉靖十五年三月初四日

之 寶

嘉靖十五年十月初六日

勅諭今日朕第二子生昭嬪王氏出皆卿屢禱

賜號太和先生全集

卷之一

三

之功故報

奉

天承運

皇帝制曰朕惟國家崇獎道教實資玄默之功

默相雍熙之治故其徒有能克精玄義著

績王家者朝廷追贈其師示渥恩也爾已

故李伯芳乃清微闡教輔國妙濟守靜修

真凝玄衍範志默秉誠致一真人邵元節

師之師稟資端慤立志勤虛跡寄黃流隱

名山而高蹈心耽玄範抱貞一以修持顧

能衍教于徒效勞于國祝釐禱祀良有明

徵遺澤具存褒章宜錫茲特贈爾為清微

體玄演法養默凝神慕道修真安常弘範

真人錫之誥命於戲顯號寵頒懋恩光于

不替宗風丕振衍玄福于無窮爾靈有知

尚其歆服

制 誥

嘉靖十六年二月初六日

賜號太和先生全集

卷之一

五

之 寶

奉

天承運

皇帝制曰朕惟道教之設上以陰翊皇度下以

福庇生民故其徒有能造詣精探闡揚教

法者朝廷追贈其師示殊寵也爾已故黃

太初乃清微闡教輔國妙濟守靜修真凝

玄衍範志默秉誠致一真人邵元節之師

性資純朴器度深沉棲志玄門慎守冲默

留心寶錄妙契真詮顧其傳教得人益精
玄範祝釐佑國裨益弘多邇本推原宜加
優異茲特贈爾為清微安恬養默抱一履
和守順凝虛體玄翊教真人錫之誥命於
戲佳名美號大增丘壘之輝重道崇玄式
著王朝之典爾靈不昧尚克歆承

制 誥

嘉靖十六年二月初六日

之 寶

奉

天承運

皇帝制曰朕惟道教之設其來尚矣顧其清靜
自然之功式足以裨恭默無為之化矧茲

祝釐祈嗣功用顯著有裨

宗社者乎故清微闡教輔國妙濟守靜修真凝
玄衍範志默秉誠致一真人掌道教事兼
三宮住持禮部尚書邵元節器宇莊凝造
詣深遠游心玄默篤志清修護國庇民竭

賜號太和先生全集

八卷之一

三六

忠彈力玄功丕應道化潛孚頃以高年候
爾觀化宜頒錫命庸示殊恩茲特加贈必
師禮部尚書謚文康榮靖錫之誥命於戲
報功者必懋其官無分存歿易名者必稽
其行用篤始終明靈未泯渙號是承

制 誥

嘉靖十八年五月初八日

之 寶

初內官監太監崔文茲者致一真人邵元節

賜號太和先生全集

八卷之一

三七

疾化朕聞訃哀悼念伊雖事玄教為朕祈
天求嗣顯著大功為國福民忠誠備至已授大
宗伯職凡諸贈謚祭葬恤典俱從優厚今
特命爾同錦衣衛副千戶陸士護喪歸葬
沿途軍衛有司等衙門一體應付廩給馬
匹船隻仍撥兵快人夫防護棧送不許稽
悞尔等須隨柩而行百尔戒慮周悉勿負
委託仍督有司造墓堅固全美以副朕優
崇至意事畢具奏回京所在經該官員人